

Broj: 04-38-4-4737-1 /15
Mostar, 30. 10. 2015. godine

Na osnovu Odluke o usvajanju Programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2015. godinu Federalnog ministarstva obrazovanja i nauke („Službene novine Federacije BiH“, broj 25/15) i Odluke o raspisivanju Javnog poziva za odabir programa i projekata iz oblasti studentskog standarda, koji će se financirati/sufinancirati iz Budžeta Federacije Bosne i Hercegovine za 2015. godinu, broj: 04-38-4-4737/15 od 02. 10. 2015. godine, Federalno ministarstvo obrazovanja i nauke r a s p i s u j e

JAVNI POZIV
za odabir programa i projekata iz oblasti studentskog standarda, koji će se
financirati/sufinancirati iz Budžeta Federacije Bosne i Hercegovine za 2015. godinu

I.

Predmet Javnog poziva je odabir programa i projekata iz oblasti studentskog standarda, koji će se financirati/sufinancirati iz Budžeta Federacije Bosne i Hercegovine za 2015. godinu, a odnosi se na:

- 1. Podsticaj školovanju Roma, državljana Bosne i Hercegovine, koji studiraju na javnim visokoškolskim ustanovama u Federaciji BiH.**
- 2. Podršku studentima s invaliditetom, državljanima Bosne i Hercegovine, koji studiraju na javnim visokoškolskim ustanovama u Federaciji BiH i**

II.

Pored općih kriterija raspodjele sredstava svih tekućih transfera, propisanih Odlukom o usvajanju Programa utroška sredstava s kriterijima raspodjele sredstava tekućih transfera Federalnog ministarstva obrazovanja i nauke utvrđenih Budžetom Federacije Bosne i Hercegovine za 2015. godinu, za dodjelu podrške i podsticaja pojedinim programima i projektima utvrđuju se slijedeći posebni kriteriji:

- 1. Podsticaj školovanju Roma, državljana Bosne i Hercegovine, koji studiraju na javnim visokoškolskim ustanovama u Federaciji BiH:**
 - podnositelj prijave mora biti student na javnoj visokoškolskoj ustanovi u Federaciji BiH, prvi put upisan/a na određenu godinu studija u akademskoj 2015/2016 godini;
 - podnositelj prijave ima prebivalište na području Federacije Bosne i Hercegovine;
 - preporuku nekog od udruženja Roma sa područja Federacije Bosne i Hercegovine, koje je registrirano u skladu sa zakonom, uvažit će se kao prednost za dobijanje podrške,
 - preporuka visokoškolske ustanove na kojoj studira podnosilac prijave, odnosno odgovarajuće studentske organizacije, uvažit će se kao prednost za dobijanje podrške.

***Napomena:** Podsticaj se dodjeljuje u jednokratnom godišnjem iznosu za 2015. godinu, a u skladu sa raspoloživim sredstvima Federalnog ministarstva obrazovanja i nauke.*

Odobrena sredstva uplatit će se direktno na račun podnosioca pozitivno riješene prijave.

2. Podrška studentima sa invaliditetom, državljanima Bosne i Hercegovine, koji studiraju na javnim visokoškolskim ustanovama u Federaciji BiH:

- podnositelj prijave mora biti student na javnoj visokoškolskoj ustanovi u Federaciji BiH upisan/a u akademskoj 2015/2016 godini;
- podnositelj prijave ima prebivalište na području Federacije Bosne i Hercegovine;
- Podnositelj prijave mora imati invalidnost utvrđenu reješenjem nadležnog organa ili ovjerenu potvrdu Ureda za podršku studentima s posebni potrebama/invaliditetom VŠU na kojoj studiraju, s obrazloženjem;
- U slučaju da obnavlja godinu, podnositelj prijave treba priložiti dokaz da je obnavljanje godine posljedica liječenja u vezi s invaliditetom uz ovjerenu preporuku Ureda za podršku studentima s posebnim potrebama/invaliditetom VŠU na kojoj studiraju, s obrazloženjem.

Napomena: Podrška se dodjeljuje u jednokratnom godišnjem iznosu za 2015. godinu, u skladu s raspoloživim sredstvima Federalnog ministarstva obrazovanja i nauke. Odobrena sredstva uplatiti će se direktno na račun podnositelja pozitivno riješene prijave.

III.

Podrška za programe i projekte u oblasti studentskog standarda iz tačke I ovog Javnog poziva dodijelit će se samo onim podnositeljima prijave koji: a) zadovoljavaju kriterije i o tome prilože odgovarajuće dokaze; b) su opravdali eventualno dodijeljena sredstva od strane Federalnog ministarstva obrazovanja i nauke u prethodnim godinama.

IV.

Sredstva za financiranje/sufinanciranje programa i projekata iz tačke I. ovog Javnog poziva dodjeljivat će se u skladu s Odlukom o usvajanju Programu utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2014. godinu Federalnog ministarstva obrazovanja i nauke.

V.

Za provođenje Javnog poziva, te izradu prijedloga za dodjelu sredstava, zadužena je nadležna komisija Federalnog ministarstva obrazovanja i nauke.

Sačinjeni prijedlog Komisija će uputiti federalnom ministru obrazovanja i nauke na usvajanje, nakon čega će rezultati Javnog poziva biti objavljeni na službenoj web stranici Ministarstva: www.fmon.gov.ba.

VI.

Prijava se podnosi na odgovarajućem prijavnom obrascu, koji se može preuzeti na navedenoj službenoj web stranici Ministarstva.

Uz uredno popunjenu i potpisanu prijavu, podnositelj je obavezan priložiti slijedeću dokumentaciju:

1. Za dodjelu podsticaja školovanju studenata Roma:

- Potvrda javne visokoškolske ustanove da je student upisan prvi put u akademsku 2015/16. godinu;
- Kopija osobne iskaznice;
- CIPS prijava prebivališta;
- Potvrda o posjedovanju tekućeg računa u banci, s brojem transakcijskog računa banke;

2. Za dodjelu podrške studentima s invaliditetom:

- Potvrda javne visokoškolske ustanove da je student upisan u akademsku 2015/16. godinu;
- Kopija rješenja nadležnog organa o utvrđenom invaliditetu ili potvrdu Ureda za podršku osobama s posebnim potrebama/invaliditetom VŠU na kojoj studiraju, s obrazloženjem;
- U slučaju da obnavlja godinu, podnositelj prijave treba priložiti dokaz da je obnavljanje godine posljedica liječenja u vezi s invaliditetom uz ovjerenu preporuku Ureda za podršku studentima s posebnim potrebama/invaliditetom VŠU na kojoj studiraju, s obrazloženjem;
- Kopija osobne iskaznice;
- CIPS prijava prebivališta;
- Potvrda o posjedovanju tekućeg računa u banci, s brojem transakcijskog računa banke.

Prijave podnose studenti na odgovarajućem prijavnom obrascu za potprograme 1. i 2.

Prijavu sa svim priložima u dva istovjetna primjerka treba dostaviti na adresu:

**Federalno ministarstvo obrazovanja i nauke,
Dr. Ante Starčevića bb
88000 Mostar,
s obveznom napomenom:
«Prijava na Javni poziv za odabir programa i projekata iz oblasti studentskog
standarda».**

**Krajnji rok za podnošenje prijava je 20. 11. 2015. godine.
Nepotpune, neuredne i neblagovremene prijave neće se uzeti u razmatranje.**



MINISTRICA
Elvira Dilberović
Dr. sc. Elvira Dilberović